

Conzdungj Vwnzva Haeuj Hagdangz

□Lingz Siuyangh/ 凌秀香

2024 nienz 12 nyied 12 hauh daengz 15 hauh, gou riengz gyoengq benhciz、gicej Gvangsiah Minzcuz Bause bae Liujcough Si Liujcwngz Yen caijfangj. 12 hauh banngoengz daihgya caemh youq Gvangsiah Liujgungh Gihgai Gujfwon Youjhan Gunghswh cazyawj. Banringzgvaq, gyoengqdou baen baenz seiq aen cuj guh caijfangj. Cuj dou daengz Liujcwngz Yen Vwnzcangh Siujyoz caijfangj.

Yamq haeuj douhung hagdangz seiz, dou doeksaet yat, dangqnaj cauhsangz miz bak lai boux hagseng cingq lienh raiz cihmauzbit, ciengzmienh sekda, gij yiengh ciensim haeujeiq gyoengq hagseng gig damhdingh youh dwggvaez, lumj bouxhung iq onjwot ndeu. Gij cih gyoengqde miz goek miz byai, miz vunq miz yiengh, hawj dou bouxngonz mbouj ndaej mbouj haenh.

Cauhsangz dangqnaj dwg daizheiq, doihlijyiz cingq yienjheiq, hagseng daenj gij buhvaq gyaundeih ciuhgeq, gij dungcoz、ronghda、biujcingz cungj yienh'ok yiengh gyaundeih gujdenj haenx, dou ngonz ndaej maezmwd, gou laihnaeuz swheij daengz aen guk gig miz lijyiz ciuhgeq.

Laxlawz, Vwnzcangh Siujyoz dawz conzdungj vwnzva—sijfap、lijyiz buen haeuj hagdangz, yungzhaeuj sonhag. Vwnzcangh Siujyoz yawjnaek beizyangj hagseng baenz boux vunz yendai “rox leix doeng leix souj leix” Cungguk. Couh dwg aeu “leix” daeuj “coi” hag, aeu yendaiva lijyiz son'gyauq guh haedsim, daeuj hwnqguh vwnzva hagdangz; beizyangj vunz yendai yingzwz caezcienz、simsaenz

cangqheiq, byaij diuz roen miz daegsaek hwnghat swheij. Vihliux yienjok gij leixniemh sonhag, hagdangz cauhsaeb diuz cangzlangz conzdungj vwnzva he.

Cangzlangz gizneix miz gij lijyiz seiqgyaiq; miz lijyiz gozci; miz lijyiz Cungguk, miz lijyiz gak minzcuz. “Mboujlwnh gwn byaij, bouxlaux gonq bouxcoz laeng” “miz ciq miz boiz, caiq ciq mbouj nanz” “vunz miz duenj, gaej bae giet; vunz miz sei, gaej bae lwnh” daengj doenghigij vah neix, cihsaw hotvah gig ginghdenj, coenzcoenz laegdaeuq. Cangzlangz heiqfaenh vwnzva naekna, hawj gou roxnyinh dangqnaj gvangqlangh ronghsag; lij lumjbaenz sup ndaej gij hom lijyiz vwnzva conzdungj; hawj vunz roxnyinh hoenzvunz bienq ndaej gaugviq. Cangzlangz mboujdan dwg gij gingjsaek gyaundeih hagdangz, engq dwg aen daemz conzdungj vwnzva hawj gyoengq hagseng dajcaemx ndeu.

Neix hawj gou siengj daengz: “Vunz fouz leix cix dai; saeh fouz leix cix bai; guk fouz leix cix luenh” “vunz miz leix cix onj, fouz leix cix yiemj” daengj doenghigij vah mizmingz conzdungj neix.

Mungz yaucangj lij lwnh dou nyi: “Gij daegsaek hagdangz lij miz dajcauh cozbini seiwz, sijfap daengj. Doenggvaq ‘Ranzguhong Vangz Gangmeij Sawgun Vwnzva’ daeuj hwnghat sawsei vwnzva hagdangz, cujiz lauxsae hagseng guh doxdax dajcauh cozbini, couhdwg doenggvaq sijfap raiz gij sei swheij daeuj bingzbeij. Guhbaenz gaej vwnzva daegsaek “sei saw hab ndeu”.

Mungz yaucangj daiq dou bae “Ranzguhong Vangz Gangmeij” ngonz sijfap cozbini. Gizneix ndaej

naeuz dwg aen canjanjgvanj sijfap cozbini ndeu, gwnz ciengz venj rim sijfap cozbini, miz cozbini bouxmizmingz, miz cozbini lauxsae caeuq hagseng ndaej ciengj haenx. Cihsaew roengz bit miz rengz, raeuzret, bitveh miz goek miz byai, ndeiawj dangqmaz. Baenz fuk bae ngonz, roxnyinh cihcih rox gangviah, hothot miz gojgaeq, seizneix simhoenz caeuq rizmaeg caemh yungzhab, hawj vunz roxnyinh daengz ndwenngoenz an'onj.

Ngoenz daihngieh, dou youh daengz Liujcwngz Yen Sizyen Siujyoz caijfangj. Dou haeuj hagdangz seiz, hagseng cingq guh gogenhcauh, gogenhcauh gig daegbied, caijdiu、baujcauh、vujsuz caemh guh,

guhbaenz cungj dijauch moqsak geizheih ndeu, hawj dou roxnyinh gig singjsien.

Gij daegsaek Sizyen Siujyoz couh dwg dawz conzdungj caijdiu haeuj hagdangz, bien baenz cungj dijauch yungzhab lai cungj yenzsu haenx, hagseng gig maij. Caijdiucauh ndaej gikfat hagseng nyinhdoengz caeuq maijgyaez heiq conzdungj vwnzva, neix mboujdan ndaej hawj hagseng lienhdang, lij ndaej hawj hagseng roxnyinh daengz gij heiq vwnzva Cungguk gvangqlangh naeklaeg, neix hawj ndwenngoenz hagdangz demlai yinxdaeuz, hix ndaej hawj conzdungj vwnzva sanqfat rengzhoengh. (1)



▲Hagseng Liujcwngz Yen Vwnzcangh Siujyoz hwnj dangzsijfap.

Vangz Gencingh yawjraen bakdou diep miz mbaw ceijhau ndeu, gwnzde sij “Lij Danenz”, bakdou ngeih laeuz hix miz, de rox lauxdoengz Lij Danenz gaenq daiq gunghyinz daeuj lo.

Cib'it

Dieghong nauhnauh yiedyied, sing' yaem hongdawz dienhdouengh cauz rwz yaek nuk. Canghfaex gawq benj dingq denva, bouxgvethoi aeu

Lauxdoengz

□Moz Lijginz/ 磨礼勤

suijniz hau fung congh geh, suijdengungh mizmbangj gvej ciengzcauz, mizmbangj haemq guenjaemx, mizmbangj rag dienhsienq, gizgiz mijraq mbin, bouxboux daenj goujcau.

Vangz Gencingh fwngz gaem dendungz rongh, yawjraen gizlawz mbouj bingz couh heuh vunzmbanj caij lae hwnjbae yungh fouj raemj giz dod bingz bae, gij gehciengz mbouj soh, aeu suijniz caeuq hoi gyaux gvet hwnjbae, yienzhaeuh dawz “cik” raez gvet soh cingq.

Vangz Gencingh dwk denva hawj Lungzinh aeu hoi. Lij Danenz ngoenz daihsam caengj daiqdoih daeuj dieghong, couh heuh Lungzinh rag song bak bau nizswj-fwnj daeuj gonq, Vangz Gencingh aeu hajeib bau.

Lungzinh gig geizheih, Vangz Gencingh doq hai cienz, naeuz: “Lauxdoengz rag baez hoi daeuj gou couh hai baez cienz, seizneix caengz yungh lai, gvaq geij ngoenz caengj rag lai di.”

Dendih hwnj roengz mbouj

daengx, Vangz Genhuj naeuz: “Caengz daihsam mbouj suenq sang, raeuz umj hwnjbae.” Vangz Gensaiz doq umj song bau hwnj sam laeuz, Vangz Gencingh gyaux hoi baenz le gvet hwnj ciengz, roxnyinh mbouj ndei, aenvih gij naez dawz caxhoi gvet hwnj ciengz bae mbouj nem ciengz geijlai, de gvet song bingzfueng sawq yawj, yienzhaeuh heuh gyoengqvunz daengx roengzdaeuj mbouj gvet lo, daihgya hwnj gak laeuzcaengz bae yawj gizlawz ciengzmienh miz congh iq laeg lai couh aeu suijniz dienz bingz, daegbied dwg giz gyauej gokaem mbouj soh, aeu fagsiuq siuq bingz siuq soh.

(14)

